



18
5271

Broj: 06-11-1272/23-8
Ilidža, 12.04.2023. godine

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22) i Zapisnika o pregledu i ocjeni ponuda br: 06-11-1272/23-4 K od 12.04.2023. godine, Općinski načelnik donosi:

ODLUKU O IZBORU NAJPOVOLJNIJEG PONUĐAČA ZA JAVNU NABAVKU BROJ 15/23 LOT 2

I

Prihvata se preporuka Komisije za javne nabavke za JN 15/23 LOT 2 „Sanacija, rekonstrukcija i asfaltiranje saobraćajnica drugog reda na području Općine Ilidža“ kojom se ponuda ponuđača DEMUS d.o.o., Hamdije Kreševljakovića 18/II, Sarajevo proglašava najpovoljnijom.

II

Ponuđač DEMUS d.o.o. obavezan je u roku od 7 dana od dana prijema ove odluke Ugovornom organu dostaviti uvjerenja iz člana 45. stav (2) tačka a), b) c), i d) Zakona o javnim nabavkama.

III

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u Tenderskoj dokumentaciji.

IV

Istovremeno sa dostavljanjem ove Odluke ponuđačima ista će se objaviti na web stranici Ugovornog organa.

Obrazloženje

Postupak javne nabavke broj 15/23 LOT 2 „Sanacija, rekonstrukcija i asfaltiranje saobraćajnica drugog reda na području Općine Ilidža“ putem otvorenog postupka, pokrenut je Odlukom o pokretanju postupka nabavke broj: 06-11-1272/23-1 od 06.03.2023. godine. Javna nabavka objavljena je na portalu javnih nabavki brojem obavještenja 888-1-3-70-3-60/23 od 16.03.2023.godine. Ponude su blagovremeno dostavili TELEFONGRADNJA d.o.o., Industrijska 12, Hadžići, ORMAN d.o.o., Kraljice mira 27, Kiseljak, DEMUS d.o.o., Hamdije Kreševljakovića 18/II, Sarajevo, STRABAG d.o.o., Zmaja od Bosne 11, objekat B, Sarajevo.

Analizom ponuda utvrđeno je da su ponuđači TELEFONGRADNJA d.o.o., ORMAN d.o.o. i DEMUS d.o.o. ispunili uslove iz tenderske dokumentacije, odnosno da su dostavili tražene dokaze.



Ponuda ponuđača STRABAG d.o.o. se odbacuje iz sljedećeg razloga: Na strani 3. ponude dostavljena je punomoć od strane direktora i zamjenika direktora STRABAG d.o.o. kojom se ovlašćuje treće lice „da u ime i za račun STRABAG d.o.o. Sarajevo potpisuje i djeluje u svim pitanjima koja se odnose na Tenderski postupak, ponudu, prisustvo otvaranju tendera, Ugovor kao i sve pripadajuće dokumenete za projekat: (...)“

U Aktuelnom izvodu iz sudskog registra od 07.03.2023. godine navedeno je da direktor STRABAG d.o.o. ne može zaključivati ugovore ili obavljati druge pravne poslove bez saglasnosti ili supotpisa jednog od prokurista društva. Komisija za javne nabavke je uvidom u dostavljenu ponudu utvrdila da za davanje punomoći od strane direktora, nedostaje saglasnost prokuriste.

Obzirom da je kao kriterij za dodjelu ugovora određen kriterij „ekonomski najpovoljnija ponuda“ sa podkriterijima cijena 99 % i rok plaćanja 1 %, Komisija za javne nabavke utvrdila je konačnu rang listu ponuđača kako slijedi:

1. DEMUS d.o.o., broj bodova 99,33 (cijena ponude bez PDV-a 390.204,30 KM, rok plaćanja 30 dana)
2. ORMAN d.o.o., broj bodova 92,58 (cijena ponude bez PDV-a 421.825,00 KM, rok plaćanja 90 dana)
3. TELEFONGRADNJA d.o.o., broj bodova 90,73 (cijena ponude bez PDV-a 427.344,00 KM, rok plaćanja 30 dana)

Imajući u vidu navedeno Komisija za javne nabavke predložila je općinskom načelniku donošenje odluke o izboru ponude DEMUS d.o.o. kao najpovoljnije, čija cijena ponude bez PDV-a iznosi 390.204,30 KM i čiji je rok plaćanja 30 dana.

Na osnovu navedenog odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se ulaže URŽ-u putem ugovornog organa u pisanoj formi direktno ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur, magistar-uprave

DOSTAVLJENO:

1. Ponuđačima 4x
2. Služba za finansije
3. Kabinet općinskog načelnika
4. Služba za komunalne poslove i infrastrukturu
5. Služba za zajedničke poslove (za objavu na web)
6. a/a

Izradila: Enisa O.M. *OM*

Kontrolisali: Nerma B. *NB*

Benjamin M. *BM*

